

# OMUKWETU

No. 17

Registered at the GPO as a Newspaper

12c

OSHIGWANA KEHE OPO SHI KALE  
NOMIKALO DHASHO OMIWANAWA,  
NOMUNTU KEHE OPO KAA KALE O-  
MUKUNDU MOKUKALATHANA NAYA-  
KAWO, OKWA PUMBWA OKULONGE-  
KIDHWA KUYELE. NELONGEKIDHO  
NDIKA OTALI PUMBWA OMUNTU  
IHAA TEKA OMUKUMO YE IHAA TE-  
NGATENGITHWA KOMAINYENGO GO-  
POKATHIMBO TAGA PITI PO GOPA-  
NKALAMWENYO.

AAPUTUDHI MAAGUNDJUKA, MOOSI-  
KOLA DHOSHIGWANA NODHONGELE-  
KA NOMUNTU KEHE TA LONGEKI-  
DHA OMUPUTUDHWA KEHE, OTA PU-  
LWA OSHINDJI MOSHINIMA SHIKA,—  
USKO SHIVUTE NGOKA E KI ILONGA  
KUAMERIKA OMASIKU NGAKA.

Tate Shivute, omulongi mosikola yokomba-  
nda yaShigambo, okwa ka tsikila eilongo  
lye muule womimvo 3, konima sho a kala  
moshilonga shuulongi omimvo 9.

Ota kundile po aaputudhi ayehe momumvo  
guunona naaleshi yOmukwetu mu pewe  
kuNampongo ashihe mwe shi pumbwa me-  
putudho lyeni.





OSHILONGA SHEVANGELI  
MUANGOLA NONEUDO  
OSHA TWIKILA

Onghundana iwa yOngeleka ye tu dilila muAngola omafiku aa, otai hokolola nhumbi oshilonga shevangeli mOshitaingeleka shaKunene sha twikila nawa nomodula ei. Umwe wovatumwa vOngeleka yaElok, mepyatumo linya, okwa hokolola nokutya oshilonga nomomudo wounona, osha mona etameko liwa.

Ofikola yOmbibeli omo mu na ovaevangeliste 8, oya tameka nawa, omalonge loKalunga otaa ningwa Oyoondaxa keshe, eefikola dOshoondaxa noyoongalele yovanyasha, otai diininwa nawa. Oshilonga shOmwene otashi xumu komesho.

Omukanda ou wa pula eehani 6 okufika mombeleva yOmukwetu, owa xulifa nekumaido kovanashilonga aveshe mOngeleka opo va longife nawa efimbo, osheshi "omafiku omai nokwa fika pexulilo". Ef.5:16

"Ngenge wa mona omhito yokuudifa, udifa wa mana mo, osheshi omafiku aa tu a na oo axuuninwa. Omaongalo omeni laKunene otae mu kundile po," osho omukanda wa popya.



Shinana a pewa  
omminute 5 a thige po  
ehala lyomauvitho

Omuyevangeliste gwOngeleka yaElok, Natanael Shinana, oshiwikembibeli she megongalo lyaNesi, muuninginino wOwambo petameko lyaAguste 1979, osha hulile melombwelo ekukutu lyaapolosi ya S. Afrika, nokutya a thige po ehala lyeuvitho naapulakeni ye muule womminute 5.

Aapolosi mboka ye ya nomahauto gaali pongundu yaakriste ye vule 300, oya pula omuuuvithi omusita Shinana uuthe-mba woku uvithila aantu molukanda. Omusita gwegongalo ndyoka, Timoteus Mwafufya, naye opo a li.

Omapulo nomanyamukulo komukulunhu wopolifi okwa li taa ende ngaha:

Ep. Olyelye e ku pa eefelo u udifile apa?

Eny. Ohandi longo alushe nokuudifa apeshe, osheshi osho oshilonga shange.

Ep. Ou na ombapila yaMangesitrata ye ku pa eefelo u udife apa?

Eny. Inandi shiiva ngenge omaudifo evangelige otaa pulilwa ediminino kuMangesitrata.

Ep. Olyelye hano e ku pa eefelo u udifile ovanhu molukanda? Tala, ngenge wa hala okuudifa, oto udifile mOngeleka, hamolukanda nande. Ohandi ku pe paife ominute 5 u kale wa fiya po onhele ei.

Ehokololo otali ti kutya, manga aavuthi mbaka ye li metifa lyokuuvitha, aakwiita Aaluudhe, oya kala nokweendaenda mongundu yaapulakeni nokuninga ekudhilo ndyoka aavuthi inaa wapa okuuva ko nawa kutya otaa ti shike.

Konima aavuthi oya tseyithilwa nkene aakwiita ya hokololele aapulakeni yevangelige kutya Kalunga ngoka tu uvithwa kaavuthi, okwa sa, kee ko.

Nonando pwa li pwa gandjwa ethimbo efupi li thike mpaka okulongela nokuhalakana, inapa monika oshiponga sha sha shomadhengo nenge shike, aawe. Kakele kaamboka ya li ya holola komuuvithi, ondjuulukwe yokukundathana uudhigu woomwenyo dhawo, inaa monika we.

Lavinia Neliwa tu udifa evangelige noitevo yaye note shi ningi kekwafo lombako. Moshongalele shovanyasha eshi shi li ko mOngwediva pexulilo lohani ei ota ka wilika ondjibo yoshivilo. Omufitaongalo Matias Ngipandulua ota ka fatulula moshongalele osho elihumbato lomunyasha pefimbo lomaudjuu.

Omusita Elia Niinkoti ota ka fatulula shoka tashi lalakanenwa mokuluka omumvo gwonuumvo kutya gwawonona.

Oshilonga shetumo osho oshitsa shopokati miilonga ayihe yaagundjuka mOngeleka.

Otandi pandula nesimaneko epangelo sho lye tu tulila po egameno, ashike mevi lye-tu sho tu na oluhepo, oyendji otaa lopota ooyakwawo opo yi imonene iimaliwa yo e taa yonitha po omaliko ooyakwawo.

Ongiini ngele epangelo tali tala koombinga adhihe, pu konakonwe nomuntu ngele a monika ondjo, ye ta geelwa nongele ondjo ye inayi monika, nakuhalela mukwawo uuwinayi naye a geelwe ngaa?

T. Ikela

Oonkwatwa dhi vule 70 ndhoka dha kala dhe edhililwa mondholongo yaGobabis, paveta A-G 26, otaku tiwa 22 yomuyo oye ethiwa ishewe. Mokati kawo aanangeshefa aane mOwambo, Nangolo dhaJacob, Nangolo dhaMukwiilongo, naErastus Asino. Omundohotola natango ongula, walyewo kutya sigo unake.



Omusitagongalo Matias Ngipandulua



## Ntene yi divikwa asi, Jesus ta wiza ngurova zaanaina

Ntene yi divikwa asi, Jesus Kristus ta wiza ngurova zanaina, ngano noNgereka nadinye to ka di gwana dinazura nokuzulilira. Vamwe ponze, awo tava hamberere nokupandura Karunga ogu gava sita.

Ano pomarandereso goyikunwa, ntene ponombaha (ndi nokamba,) mononzugo odo ava danene ndanisa, ndi omu ava tarere mafano to ka digwana mawokowoko, vantu mwato, morwa yeeyi navenye tava ndindire zi sike ngurova Jesus a wize.

Ntene yi divikwa asi, Jesusa ta nyauka ngurova zanaina nomugano, matuka nokulikumbagera tayi haga. Maudano peke na peke gopauzuni nagenye, taga gwana ehagero.

Navenye mendindiro mwelike asi ngurova zi sike ipo Mupanguli a wize. To va gwana ntene moNgereka vana kara, odo nonkango vana ku uyunga "dosiupongoki" delike.

Vakadona novakurukadi navenye to vawana tava likuhu nokuliputura ndomo ndi painda ozo va likwitakwita koyipara asi vagehe awo kipasi imo gava sita Karunga.

To va gwana vana dwara yikutu yoku va wopera ipo va ka gwanekere na Hompa gwawo ngurova. To gwana nongawo kuna kugaununa ugawo wado konohepwe ipo navenye va kare ko noyuma mokuindira Hompa gwawo.

To gwana matuwa novantu tupu vana kulirunga va lipapare-papare ipo va lipape mbili nokuligusira po eyi va lizonazona. Ntene divikwa asi, Jesusa ta wiza ngurova zanaina pevero lyosinyangapongerero, to gwana vantu va nakupapara edongonono lyononzo morwa vana diva asi, Kristus ta wiza a ya pangure vanamwenyo novafe.

To gwana owo va kwara masupareko tava sigi vakurukadi vawo owo va supareka. To gwana vadinkantu owo ava lipe mazimo tava papara ekwafo, morwa yina divikwa asi Muzowoli ta wiza.

Vaudisi owo va pukisa vana vaKarunga, to va gwana tava papara mbili ezuva olyo, ndi ava fumadeka nonganga ezuva olyo ngavadi nyenga tava dukire koNgereka va ka kanderere.

Ano owo va dira kupura ntani ngava vareka kulironga epuro lyovakriste. Nononkorwi deedi ezuva olyo kapi ngava korwa, nye ngava kara tava kanderere kwaHompa.

Ezuva tupu lyoolyo epangero lyokatongotongo ngali gava emanguruko korudi rwaKarunga morwa vana diva asi, Mupanguli ta wiza. Vamwe vetu o"Judasa", owo vana kurandesa rudi rwawo morwaemona ndi yimaliva ngava papara mbili korudi mezuva olyo.

Natuvanye novasovagani novageha, ngatu ponga monoNgereka dimwe tupu tu kanderere kumwe twa hana malidondororo. Vawidi, novamahaka ngava litezurura novili odo vana kundindira ewizo lyaHompa.

Ano ava dili kugava uhwi wawo kombugakriste ngava damuka ezuva olyo tava gava emona lyawo nalinye. Ano ava va dira kukuhwa ngava papara egwanekero vaKarunga mekuho lyokupongoka. Vamwe ngava hara ku tambura honde norutu rwaHompa gwetu nkenye minute zina kuwiza ipo va kare vana pongoka novakuhuki mokundindira dogoro Jesusa a wize ngurova ozo.

Ntene yi divikwa asi, Jesus ta wiza ngurova zanaina, ado simpe notundi kodongadi ngaku kara "utungu weguru apa pevu", morwa nkenye gumwe nga ka kara ana litura mo morwa yina divikwa asi Kristus Mupanguli ta wiza nye naina.

Siruwo oso wonkagi ngava va dwareka, wokuvera ngava va pakera mbili, owo hena ngava manguruka, womomaudigu ngava mona ekwfo. "Nkenye eyi mwa ruganena gomununu po povamumbya vange, nyame mwayi ruganena," Mat.25:40

Imo vakwetu, mepuro lyovakriste ose kusanseka asi; "Yiko ngaka tundilira aya pangure vanamwenyo novafe", Kristus Jesusa nga wiza yipo nye nomu rungara-rera, yeeyi mwa dira kudiva ezuva novili Mat.25:13

Mukweneni mepuro  
A.M.Sikwaya

## SACLA muSuid-Afrika, oya piti nawa

**Ovakalelipo vOngeleka yetu 5 mOshoongalele shehangano lewiliko lopakriste (South African Christian Leadership Assembly (SACLA), ova aluka nehokololo liwa. Ovakriste ve dule 5000 va dja moilongo yaAfrika, Europa Amerika nomuAsia, okwa li va ongala kumwe.**

"Nonande otwa li twa ongala ovanhu vomaludi e lili noku lili moshilongo shokatongotongo, inashi dula okuninga sha moshoongalele shinya shomhepo youkriste, youkumwe noyohole, tashi limonikila nomesho," osho umwe wovatumwa vetu e tu hokololela.

Oshoongalele osha li mu S. Afrika pehovelolo laJuli neudo nosha kalwa kovafitaongalo, ovahongifikola, ovawiliki vovanyasha nokovapolotika. Elalakano ola li

okukoneka osho hatu pulwa mefimbo eli, kutya tu kale eembangi daKristus de lineekelwa.

Ehepu otali ti kutya elalakano eli ola fatululwa moipopiwa ihapu nokovapopi voipopiwa ve lili nove lili.

Omubishopi Desmond Tutu wa S. Afrika, omufitaongalo John Wilson waUganda omuprofesoli David Boch. wa S. Afrika ovo vamwe vomuvahapu va etele oipopiwa tai linyengifa eemuenyo.

Ovatumwa vetu, Josafata Shanghala, Paulus Musheko, Rehabeam Auala, Nanael Shinana naLudwig Ausiku ova koneka moshoongalele shinya kutya mboli ovaitaveli mounyuni ove li pamwe noiwana yaNamibia yo momakondjo ayo.

"Eshi oshe tu ulukila nokutya mboli ohatu ka findana," osho va ti.

**Otandi ya wilike  
ngele haa ende nokugalikana**





# One amuhe aana yaKalunga mokwii- taala Gal.3:26

osho tashi ka kala oshipalanyolo shoshigongi shaagundju-  
ka mOngeleka ayihe ya Elok, mOngwediva 26-30/9/1979  
mewiliko lyomusita gwaagundjuka Josaphat Shanghala.



Okanona koye oke na omalipulo elipipo? Owe a kondjifa ngahelipi?

4 OМУKWETU SEPTEMBER 15, 1979



Omusitagongalo Josaphat Shanghala

## Eilongo oshike?

Eilongo okulunduluka muukwatya, uuna ndoka ndi ilongo sha oshiye, nena inandi fa we ngaashi nda li tango. Ngele ino zala oongaku, otashi vulika u dhi zale dha pilama.

Opo wi ilonge meendelelo, okanima kehe to ka longo, ka longa shili wi itula mo.

*(Omukundanekei gwetu)*

## EFUNDULA NALI TALWE NATANGO NAWA

Omolvokapopiwa komufimanekwa S. A-kooko moshifo No.15,1979 mepandja 7 moshipalanyolo "Ova shangela nge tava ti...." kepulo loye ohai nyamukula ngaha:

Inashi yuka nande okuyelulila ovanyasha inava findana omafungu nonghuwilili ya taka. Osheshi epandela, efungu nonghuwilili aishe ei ohai ningilwa ava va findana mukukondjela unyasha wavo. Tava pandulilwa ekondjo nefindano lavo.

Kombinga yoyoonda, nai kale po pamwe nokulya luvali, shaashi efundula kali fi oitalapata. Vali ava tava kondjifa ooyonda i fye, inava tala nawa. Shapo eshi shi shii kufya po ongobe ei hai futwa ou ina findana. Oyoonda ngenge oya fi po, okakadona otaka fimanekelwa moshike eshi ka kondjela unyasha wako?

Ovanyasha, shikuleni ouyuki, ombili neli-didimiko 1 Tim.4:12-13 2 Tim.2:22.

*A.T.Kayambu*



# Uuthiga woshiwambo otau popilwa tuu?

Oshipopiwa tashi landula, osha li melandulathano lyiikundathanwa yoshigongi shaailongi aakriste muElok, shono sha li mOngwediva petameko lyaSeptemba nuumvo. Omuyakuli gwaanashilonga mOngweleka, Rev. Matias Ngipandulua, okwi indilwa e shi hwanune mo.

Naashoka inaapu monika ethimbo lyoku shi kundathana, oshigongi osha indile shi tulwe ashilwa mOmukwetu, ye omutamekithi gwasho a yamukule omapulo ga pendulwa kusho. Omapulo nomayamukulo ngaka otaga ka holoka komeho moshifo shika.

UUTHIGA owo eliko ndyoka lya thigala konima mwene sho a yi muukwaaluhe. Shoka pwaa na ompito yokutaagulukila nalyo haandiyaka, ohali thigala aluhe lwa-handika. Mboka ye li natango handika ohaye li topolelathana ihe, nombili nenge nokuyugathana.

Epulo enene lye tu thikamena moshipopilwa shika; "Olye e na uuthemba wokuthigulula uuthiga mboka wa thigala?" Nenge tu tule: "Oolye nolyee ye na okuthigululathana?"

Oshinima oshe tu guma atuheni mbaka tu li molutu notwa pumbwa uuyelele opo twaa mbolokotele iinima yaa shi yetu, notwaaha yuge tse twaa yugwe mbyoka yetu.

Tse aakriste, aanelago, sho tu na ondjele-ngodhi (oshitya shopauteologi) ndjoka ihayi puka, oyo Ombimbeli Ondjapuki. Muyo otatu pewa aluhe eyamukulo lyomondjila.

Tu tuleni oshipopiwa shetu moongundu ndatu moka ndi inekele otatu ka mona mo eyamukulo.

## 1. OSHIGWANA

Ongonga yevi oyi na iitopolwa oyindji yi na omakwatya ga yooloka pauntsitwe. Oshigwana kehe oshi na oshitopolwa shasho sho opalela uukwatya tau shi kwatha momahupilo.

Kalunga ngoka a shita aantu, oye ngoka wo a shiti iitopolwa mbyoka nokwa gonyena mo omahupilo goonakukala muyo. Okwa langeke aantu nokwe ya lombwele ye li longwe yo ye li kelele. 1 Mos.2:8,15 Shika otashi ti kutya aantu oya pewa othitha.

Mpaka itatu popi nando uuthiga, oshoka Kalunga mwene gwiitopolwa mbyoka ina sa, ye iha si. Uyamba noonkondo nesimano mbika otayi kala ye sigo aluhe.

**KONEKA:** Kalunga okwa gandja othitha, nothitha ndjoka otayi kala yoshigwana shoka, hayagulwe.

- Abraham okwa uvanekelwa evi 1 Mos.15:18
- Israel oluvalo lweuwaneko. oyo aathigululi Jos.21:43
- Ismael omuna gwomupika ke na uuthemba wokuthigulula, ihe Kalunga okwe mu pe oshitopolwa shombuga

moka a ningile ondjumbeta opo a hupe 1 Mos.21:14,20-21

Igwana ayihe oya pewa kuKalunga othitha omolwomahupilo gayo.

## 2. UUTHIGA MEZIMO

Ezimo kali na uuthemba wokuthigulula evi, ihe omikunda dhooyinakulu Jos.13:1,7,14 Ezimo otali thigulula wo omapya gooyinakulu 1 Mos.49:29-32 1 Aak.12:2-4

3. Omwanamati oye e na uuthemba wokuthigulula he, opuwo. Hamupika nando. 1 Mos.15:2-3 Ismael omupika ita wapa 1 Mos.21:9-13 Aantu yalwe wo oye shi shi Mat.21:38,, Luk.15:11-12

Elika ndyoka lya gongelwa kuhe, olyoyana, halyayalwe nandonando. Ombimbeli osho tayi ti shoka.

## Ethigululo pashiwambo

Natu popye ano ethigululo lyopashiwambo.

1. Kape na ngoka e na uuthemba nenge e na omakamba okukondjela omavi gaantu. Iilongo niitopolwa ohayi ethelwa ooyene yayo noshuuka shoka.

2. Omikunda nomayana ohaga ethelwa ngaa aakwanezimo oyo ya kale yena ewi lyotango noshi li mondjila shoka.

3. Aanona mboka haa ihepeke noohe yawo okulonga omayana nokufula mo omaliko gawo ngashi hatu shi monoko aasamane haa tumbu ko mokwiindjipaleka omaliko gawo mokulonga nuudhiginini noyana nonaakiintu yawo, eliko lyawo ohali yugwa po nohali hakanwa po kaakwanezimo lyomulumentu, uuna omulumentu a si.

Tse otu shi wete ko nee kutya aakwanezimo ihaa kwatha nando megongelo lyeliko lyegumbo lyontumba. Shaangoka oha kala kaandjawa, ti ihepeke noyana nonomukulukadhi."

Pauyelele wOmbimbeli nopainingwa naashi tayi holoka, aaselekadhi noothigwa ohaa yugwa omaliko gawo ye ga kongwa koonkondo nokoondunge dhawo.

Otu shi shi ope na mpoka ombinga yeliko painamwenyo hayi kala othitha yezimo. Ombinga ndjika kayi na nando omaludhikilo. Aaselekadhi noothigwa ihaye yi ningile omakamba nongashi wo kaye na uuthemba woku yi kondjela.

Ihe mbono haa yugu po aaselekadhi noothigwa oongombe niikombo ya landwa neliko lya gongelwa mondjokana, nali kale oonguwo, iimaliwa, iilya neliko kehe lya holoka po kiilonga yomulumentu nomukiintu noyana, osha yela kutya ohaa yono eyono enene. Hakaantu ashike, ihe noku-Kalunga, Kalunga nokwe ya tega kepanulo.

Oshipango shaKalunga moshinima shika otashi ti: "Ino yaka." Efatululo lyasho olyo ndi:

"Otu na okutula nokuhola Kalunga, twaa kuthe po iinima yomuntu nenge eliko lye kehe, notwaaha li likele nekoto lyomokulandathana nenge oku mu yuga, aawe. Natu mu kwathe okutaneka nokudhiginina eliko lye niipalutha ye."

## Onkambadhala ya ningwa kOngweleka

Ongweleka sho ya koneke oshiponga sha gwayela moshigwana, okuyuga aantu omaliko gawo oya li yi indile epangelo lyoholomende yopashiyeuropa ndjoka li uvite ko iinima mbika noli na oonkondo okuninga sha miinima yethigululathano oondjokana dhi ningwe paveta. Oveta yi popile aaselekadhi noothigwa moshinima shuuthiga.

Nonando epangelo lye shi taamba nolye shi zimine, opwa konekwa kutya omolwii-nima yaAaluudhe noyAatiliganane sho yi na okukala ya yooloka, oholomende oyi idhimbike oshinakugwanithwa shayo nohayi ipopile kutya inayi hala okwiitula miinima yaAaluudhe.

Iinima yawo nayi tokolwe komalenga gawo nokomapangelo giilongo yawo pamithigululwakalo dhawo. Pamukalo nguka oshinima inashi mona ompito yokumona eyamukulo lyomondjila. Olya tuka ashike lyo tali lambele.

## Uuthiga miigwana yaAaluudhe

Inandi ninga ekonakono lyasha moshinima shika mekwatathano niigwana yomuNamibia. Ihe mokukala miigwana yopondje yaNamibia, nandi tumbule nando iyali ayike popepi nokokule natse.

a) MUUnion onda yolwa kAazulu sho twa hokololelathana omathigululathano sho ya kundana omusamane ta thigululwa kaantu yaa shi yomegumbo. Unene tuu sho aana yaa na ompito yokuthigulula he, okuninga he e ya pa manga e na omwenyo, nenge he e na aakwanezimo aanamutimahenda. Aazulu ohaa thigululwa koyana.

b) MuTanzania omihoko dhama aathigululi yoohe oyana. Ongiini ano mAawambo?

Pamwe oshigwana shetu kashi hole oyana, oshi hole aakwanezimo komeho goyana mboka haye ya kwatha shili mokutaneka omaliko gawo. Ngele ongeyi, ihwepo ano aanona naakulukadhi ya kale haa futwa ongele komusamane ngoka nenge komazimo. Oshoka megumbo oye li mo ngaa-pika yokulongela ezimo lyontumba.

Inashi opala okukolonyekathana paineya ngoyomwiingilisa.

Natango tuu pamadhiladhilo gandje eyamukulo ongele lyokufutilathana nenge lyokuthigululathana, otali ka monika uuna Namibia lya mangukuka, e tali toto po ooveta dhalyo tadhii popile aathindilwa kongudhi.

One oshigwana shangula, tu shi faleni komeho.



# Omapitikilo geshasho lyuunona miipangelo ga talululwa

ESHASHO LYUUNONA WAAKULUNTU YAA NA OMAPITIKILO GEGONGALO NDYOKA LYA KALA LIMWE LYOMOMIKUNDU OMINENE MUELOK, OLYA TAMEKE ISHEWE OKWIIPULWA NUUDHIGU SHI VULE SHITO MIIPANGELO MOKA LYA KALA HALI MONO MBALA OMayAMUKULO.

## Okuputudhilwa uukulupe osha simana unene

*Omuntu ota kulupa okuza esiku ta tholomwa muyina hwo tangotango. Atuheni ota tu ningi aakuluntu yootundi omilongo mbali nane esiku kehe tu vulithe pohela. Uukokele ou li meshito alihe nokape na ngoka ta vulu oku u kwata moshipala nando uyuni otau lunduluka.*

*Kalunga okwa tala sho opala twaa kale sigo aluhe kevi huka. Okwa ngambeka omasiku getu tu ka kale pamwe naye muukwaaluhe.*

*Ihe itashi kwatha wo sha ngele tatu tala kutya; nda koko, nenge nda kulupa ihe, kandi na we omusa nehondjo. Otwo pumbwa iikulya, omizalo, ookuume, aashinda nosho tuu.*

*Ngele wa hala u kale omukulupe omunya nyukwi, tseya uukwashili wonkalo tau tameke mepipi lyuugundjuka. Uukwatya wongashingeyi, owo unene tau utha onakuyiwa.*

*Olwindji aakulupe yomanganga pomimvo 70 nenge 80 nopethimbo lyomimvo 15, ne-*



### Lilongekida u ka kale omukulupe omuhafi

*nge 25 osho ya li. "Shoka tu li nena, osha xi mwaashoka twa li ohela.*

*Aakulupe oyo wulenga woshingoli, muyo epipi egundjuka tali ilongo eihumbato. Otwo pumbwa aakulupe taa gandja ehokololo lyomathimbo gatatu shoka sha li ohela, shoka shi li nena naashoka tashi ka kala wo ngula.*

*Aakulupe nyanyukweni mOmuwa, oshoka omwa silwa ohenda kuye sigo oompoka. Omuleshi gwOmukwetu*

**Oshigongi shokomumvo shaayakulingeleka miipangelo, aayevangeliste naasita pehulilo lyaAguste, osha li sha talulula eyakulo lyeshasho lyuunona woomwedhi 3 sigo omimvo mbali nokuli, miipangelo.**

Olwindji uunona mbuka owaavali mboka yaa na omapitikilo gegongalo nohau tegelelwa ashike u ehame opo u silwe ohenda yeshasho moshipangelo. Omukalo nguka ogwa penduthile aayakuli miipangelo omalimbililo, ngele ogu li tuu mondjila pamauthompango gOngeleka.

Shika osha hingile oshigongi shi ninge eutho ekukutu kutya uunona mbuka ngashi wa imbwa okushashwa momagongalo, u kale wo wa imbwa nokushashwa moshipangelo. Omalelogongalo oga indilwa ga talulule oshinima shika noku shi opaleka.

Omotonateli gwoshitayingeleka shOndonga Rev. Festus Ashipala, ngoka e li omukuluntu gwaanashilonga miipangelo mOngeleka, sho a pulwa uyelele kutya otaku dhiladhilwa shike ngele taku tumbulwa eopaleko moshinima shika, okwa ti:

Aanona ayehe momagongalo oye na okushashwa mbala pwaa na omaongaongo pamauthompango gOngeleka. Shika osho kaavali yi iteka ukriste ka shashwe, ngele opu na ngoka ti inekelelwa eputudho lyopakriste. Ngele ita monika, inashi ningwa.

Omauthompango otaga zimine okanona tatu tegelele shi opalekwe sigo katu na we okanona megongalo koomwedhi 3 sigo omvula inaaka etwa keshasho.

Omalelogongalo opendji oga longitha eshasho ongomwigo mpoka tapu kwatelwa he

nenge yina opo ya ziminithwe shono taye shi pulwa kegongalo. Komukalo nguka uunona owindji owa yakelwa komagongalo omakwawo u ka shashwe hwiya nenge wa tegelele u taambelwe moombete, opo u pulilwe eshasho koonakuyakula moshipangelo. Tate Ashipala ota ti:

Shono tatu lalakanene neutho ndika, osho ependutho lyomadhiladhilo gaasita nomalelogongalo, kutya oshipangelo kashi shi eha lyuunona mboka tau tokelithwa okushashwa momagongalo. Shono tashi wi imbi okushashelwa momagongalo gawo, otashi u imbi wo okushashelwa nomoshipangelo.

Sho a pulwa natango uyelele kombinga yuunona waaiteki megongalo, tate Ashipala okwa ti shoka nashi kundathanwe malelogongalo sigo kwa monika shoka tashi vulika po.

Eshasho lyombaadhilila moshipangelo, inali dhiladhililwa uunona mboka we ethiwa komagongalo gawo sigo wa tsakanitha oomwedhi noomvula, ihe olyuunona mboka tau valwa waa li nawa mokanyothi nenge inau kola nosho wo mboka aakuluntu yawo yi itedhululile moshipangelo," osho oshigongi shaayakuli shu utha.

Oshinima shoshene ohashi kundathanwa wo miigongi yaasita nuunyengwi woku mona ondjila tayi opalele ohau kala po.

## Ekundo kaavu nokaanaluhodhi

Ou li po tuu to ehama nenge ou na oluhodhi? Pamwe wa vulwa okupulakena okuhapula kwaantu taye ku kundukidha, nenge ye li pungoye. Esiku limwe u li moshipangelo moka tamu uvika ekudhilo lyaanu.

Esiku limwe maaholike yoye nookuume koye, sho wa kwatwa kuuvu, ya kundathana nangoye, opo ye ku hekeleke, oto shi tala shi na oshilonga. Pamwe owa galikanenwa olwindji pombete yoye, ihe natango muule womwenyo gwoye omu na ngaa uudhigo.

Opu na gumwe te ku popitha. Oye ta popi pomukalo gwi ili lela. Mewi lye omu na ehekeleko, oohapu dhe otadhi kumitha. Tali tsu omukumo notali yambula.

Pulakena sho te ku lombwele: Ongame Omuwa, otandi kala omupangi gwoye

2 Mos.15:26. Tala, omulumentu omunelagogo oye ngoka Kalunga te mu pukulula.

Ino dhina omadhengo gomunankondo, oye ta henda oshilalo note shi kwata wo, ta dhengagula, noshikaha she otashi panga. Omupsalomi ota tumbula:

Manga inaandi fupipikwa, onda li nda puka. Ihe ngashingeyi ohandi dhiginine oohapu dhoye. Ps.119:67

Oonkwawo: Ino tila, oshoka onde ku kulile, nonde ku ithana edhina lyoye, ngoye ogwandje. Jes.43:1-2

Omumwandje, ino dhina egeelo lyOmuwa, ngoye waa loloke ngele to nyenyetelwa kuye. Oshoka ngoka Omuwa e mu hole, ote mu geele nota dhenge omwana kehe te mu taamba. Hebr.12:5-6

Frans N. E. Imene



# Omulongi gwomalaka Viljoen ta ngongoshekwa

Nkene tuu pwa kundanwa kutya omulongi omunene mosikola yokombanda mu S.Afrika, Dr. Gerrit Viljoen, okwa ulikwa a ninge omulanduli gwomupanguli M. T. Steyn, okulonge-kidhila evi ndika emanguluko, oyendji oya tameke okwiipula ngele oye tuu ta vulu okweeta po elunduluko lyasha.

Oshifo shimwe shopolotika mevi ndika



Ngoloneya Ndjayi G. Viljoen

## Okwiikongela hahende uuna wa kwatwa

Hayendji haa kala ya tseyo shono ye na okuninga uuna ndoka ya kwatwa noya hala omupopili moshipotha shawo. Okandumba kiimaliwa ngele opo ke li, inaka gwana. Elandulathano lyopaveta wo oli na okulandulwa opo shi pite nawa. Omikalo dhimwe odho ndhi:

1. Uuna wa etwa mohofa u pangulwe lwotango, ino zimina kutya ou na ondjo moshinima shoka to tamanekelwa. Pula omupanguli (magesitrata) oshinima shu undulilwe komeho opo u kundathane mangahende yoye.
2. Noshipotha ngele oshu undulilwa komeho, ihe ino zimina u ifutile mo okathimbo, lombwela aakwazimo lyoye nenge ookuume ye ku kongele hahende. Hahende nguka ohe ya e ku konge mondholongo mu kundathane.
3. Uuna oshipotha shoye inashi undulilwa komeho nowa pewa ondjo, futa ngele owa pulwa ofuto nenge u ye kondholongo ngele osho wu uthilwa. Pamukalo nguka aguhe, natango tuu konga ompito mbala-

"Windhoek Obsever 11.8.79", manga omusamane Viljoen inaa ya mo mombelewa ye yiilonga, oshe mu kundu nokomenda tayi landula mpaka.

"Katu shi sha manga komulumentu nguka ta ka pewa ewiliko lyiinima ya Namibia nomolwashoka omuntu u na okukotoka mokuholola omadhiladhilo goye. Oshoka otashi vulika gu ulumiine kiinima yopombambo.

"The nando ongawo, tse itatu ongaonga mokitumbula kutya otwa tegelela elunduluko eshona lela, oshoka osha yela nale kutya ope na ompangela yomonanguwi ndjoka itaayi ka thikitha we osikepa metulilo, ihe otayi yi undulila ashike muule womeya goshikungulu.

"Otwata tala kutya tse otu li monkatu yokungongosheka nokutsa Viljoen omayele, kashi na nee mbudhi kutya ye omulongi omunene gwomalaka omakulukulu. Shika oshilongo shetu, tse aavalelwamo yasho niishewe otwa vulwa komadopo gomulandupangelo gwopolotika ya S. Afrika.

"Omuprofesoli Viljoen, ngele oto tsikile nokutunga okabinete taka zi mOshigongi shopashigwana (National Assembly), oto ka etela ashike Namibia evundakano enene, ngiika nehanagulo nokuli.

"Tu zimina uuna tatu ti: Oshigongi shopashigwana kashi lile po omauvito goshili gaantu yoshigwana shetu. Tu zimina wo uuna tatu ti kutya ompangela dhomukanaveta niilongitho yagwo, ayihe ngashingeyi, oya kwatelwa po ashike komilungu dhoondjembo dha S. Afrika.

"Sho itashi vulika ihe shi tsikile ngaaka, oshoka oonkondo oondhigu odhi li po tadhi longekidha okuninga omathaneko ga mana mo okukondjitha aakwiita ya S. Afrika.

"Oshinyolwa shika kashi lile po okuholola

mbala u mone nenge u monenwe hahende opo pu ningwe eindilo lyokutsikilitha oshipotha kohofa yopombanda.

Nongele mepangulo lyoye ou uthilwa owala edhengo noongola, oto vulu ngaa okwiindila oshipotha shoye shi ye kohofa yopombanda nonando owa dhengwa nale. Oshoka ohofa yokombanda ngele inayi ku mona ondjo, nena eluudhiko lyedhina lyoye ndiyaka lya ningwa kohofa ya tetekele, ohali ka dhimwa po.

4. Uuna ndoka waa na iimaliwa yokufuta hahende, ninga eindilo kEkwatho lyopaveta (Ligal Aid Board), li ku kwatwe. Ekwatho ndika otali ke ku pula mpoka pu thihe ondjambi ho kwata, nongele ya dhimbulula ondjambi yoye oyi li pevi noonkondo, nena otali ku kwatha okufuta hahende. Ye hahende iimaliwa ye ohe ke yi pula ihe kehangano ndika.

5. MuJohannesburg Ekwatho lyopaveta ohali monika moLiberal Building, 56, Mar-Tala kep. 8

oompangela dhopaukwiita puuyelele nenge oku dhi tengeneka, aawe. Ihe otatu shi tumbula neifupipiko kutya otwa pewa uuyelele wa gwana kombinga yiinima yopaukwiita, ngele mpaka nenge kokule natse.

"Ekumagidho ewanawa oloyo ndika; okweetha po ompangela adhihe dha nigwana nale sigo ompaka, nokweeta po mbalambala ngaashi tashi vulika elongo tali dhengele limwe alike, elaka limwe lyopambelewa, okulombwela omusamane Harry Oppenheimer nooyakwawo ye mu fa kutya;

Yo itaa vulu we okukala ooyene yomalunza gomaliko ga Namibia, okuninga taa ilongekidha okulongitha ombinga onene yizemo nihohelela yoongeshefa dhawo mu Namibia. Oshoka tse inatu pumbwa we omadhiladhilo goompangela dhuugoya ngoka haga zi moTurnhalle.

"OTurnhalle ehala lya dhiladhililwa o-maudhano nomainyanyudho.

"Shoka tse twa pumbwa euvoko lyomuule lyiinima yoshilongo shika. Oshoka shika oshilongo sha tenda omisa konyala mokolonela yasho kehe. Okwoopaleka onkalo ndjika, ope na owala ondjila yimwe yi shi okulandulwa.

"Viljoen, tameka petindi, holola po ompito dhiilonga mokitota po wo tuu nando oofabulika dhosamende, dhiipakete, dhoondooha noshwo wo uufabulika uushona moka tamu vulu okulongithwa iinima yilwe mbyoka tu yi na moshilongo shika, shi vule oku yi etha owala yi hepe.

"Natango omusamane Viljoen, yamwe yomutse otwa tseyo nawa onkalo yoshili yoshilongo shetu. Shika otatu shi ku lombwele, oshoka otwa vulithwa nayi kopolotika yiifundja noyomayagumo ndjoka ya hepeke oshilongo shetu omimvo odhindji sigo onena.

"Onke oshe tu thiminike tu ku tseyithile kutya ku na nando ethimbo olindji okwoopaleka embonyokelo ndyoka. Otatu limbililwa ngele ongoye ngaa nakukala mo muka oomvula ndatu.

"Alikana ino ya huka noohapu dha kulupa dhokwiigidha owala, uukomunisi, uukomunisi. Ninga po sha, opo u kelele oshiponga shuukomunisi, oshoka aahona yoye koPretoria mboka haa uvitha nuuladhikuta kutya ohaa kondjitha uukomunisi, oyo naanaa aatungi aanene yuukomunisi, omolwomikalo dhopolotika yawo dhaala.

"Otu uvite kutya osha fa sha nika uugoya okufatululila omuntu gwomuthikalongo gwoye, kutya okundopa kwoye ngele nani okwa ningwa, otaku ke eta iiyimati yatyangiini. Otashi vulika u mbonyonene S. Afrika miita manga nokuli inaatu thika momumvo 1984.

"Iita mbyoka tayi ka kondjwa kaantu ya homata noya dheulwa okukondjitha iita yolela. Penduka, oshoka ethimbo otali pula oshili, eitulomo, omukumo nuukwashili.

"Mbika ayihe oyo iitungitha tayi tu hanganitha kumwe noku tu ninga oshigwana shimwe."



## Omuwilikingeleka a hulitha

### ZIONSVILLE

Omuwilikingeleka Paul C. Empie, muAmerika, okwa mana oondjenda dhē ombadhilila kuuvu womutima, esiku lyotango lyaSeptemba. Okwa adhikile e li moshipundi shevululuko okuza 1972.

Omusamane Empie, kuume kOngeleka yaElok, unene Dr. L. Auala, oye kwa li a yapulile omuwilikingeleka Dr. Kleopas Dumeni, moshilonga shoka 1974 mOshakati.

Okuza 1967 okwa kala oshilyo shokomitiye mOngongahangano yaAakwaluther moka a kala omimvo 18.

Okuza 1952 sigo 1970 okwa kala omunashipundi gwoshikondo shependulopo nehumithokomeho lyiigwana mOngongahangano yaAakwaluther (CDS/LWF).

Okwa thigi ko omukadhi noyana yatatu. Okwa li gwomimvo 70.



# Dr. NETO



ke ko we – omukithi  
uuvu wehuli

Emanguluko lyevi ndika, ondjuulukwe yi li maantu yomapipi agehe. Iidhano oyindji ya ningwa okuza 1968 ya lukwa iituthi yemanguluko inayi mweneka nando enota lyaantu. Methano ndika, aantu otaa monika ya kakanya omuti nokohulo yiitayi yu uve ndhoka tadhi tiwa omolwemanguluko. Walyewo kutya shika oshigongi shongundu yinipo, ihe pashoka sha konekiwa

moshilongo shika oshigongi tashi hili aantu ngeyi ya londe nokomiti, shila oshaSwapo. Iigongi iikwawo yopolotika, ohayi kaliwa omuntu wa taandela ngaashi wa hala, nopwaa na ngoka ta ti to lyata ndje.

### OMUKWETU

## Konga hahende

Dha za kep. 7

shall Street. Ongodhi, 836-0421. Ngele omuPretoria; omu Van Erkom Building, 217 Pretoria Straat. Ongodhi; 22756.

6. Uuna kapu na ombetwewa momudhi-ngoloko gwoye, ohaku pulwa wo Mangestrata nenge kOmufala, a kwathe moshinima shoka.

Oshifo (The Voice)

Oye oshifo shOngeleka Onkwaevangeli paLuther yomOwambokavango. Oha nyanyangidhwa mOshinyanyangidho shOngeleka mOniipa. Omukuluntu gwoshifo omumbisofi dr. Leonard Auala. Ondando yOmukwetu komumvo muAfrika R 2-60, kombanda yomafuta R 5-00. Omambesitelo pamwe noondando naga tumwe kOmukwetu Oniipa, P/B. 2013 Ondangwa 9270

OWAMBOKAVANGO CHURCH PRESS  
ONIIPA P/BAG 2013 ONDANGWA 9270